


www.BibleForChildren.org


उत्पत्ति 3




आदम तान हिंस उन हेसुर हवा ईटदुन;
यतिकी यास मंळसा जित्ता आर आ सप्पा
मुंदुर आदिमाता आका आदुर.




यहोवा परमेश्वर यास आळी दाकळव जनावर
माळीदुन, आ सब दा हाव चालाक ईरोद; अद
हाव आर्त इन से अंत, “येन खरा आद कि
परमेश्वर अंदान, ‘नीव ईद बगीचा अन्द यातोदु
मार ईन काय तिनबाळेतीर’?”



आर्त हाव से अंदुर,
“ई बगीचा अन मारि इन
काय नाव तीन सक्तेव;
लेकीन जो मारि बगीचा अन
बीच दा आद, अदुर काय इन बारा
दा परमेश्वर अंदान कि न रा नीव
तीनेतीर अदिक न अदरी मुटेतीर,
ईला रा सोतोदीर.”



आग हाव आर्त से अंत,
“नीव सही दा सायतीदिल!
बल्की परमेश्वर जान्सतान
कि या दिशी नीव अदुर काय
तिंदीर अदा दिशी नीम कण्ण
खुलसेदव, अदिक नीमी भला
बुरा अन्द ग्यान सीकीत अदिक
नीव परमेश्वर उन घाई
आगेदीर.”



याग आर्त नोळदुर कि आ मारं इन काय तीनोर
साटी वळलीद, अदिक नोळदुर दा हापाळ
लुभावना, अदिक ग्यान कोळोर साटी चहासा
लायक आद; आग आक अदुर काय मुरूकु
तिंदुर, अदिक तान गांड उक भी कोट्टुर,
अदिक आव भी तिंदुन.



आग आ येदुदु मुंदुरव कण्णगोळ खुलसेदव,
अदिक आंदरी मालुम आत कि आंदुर ऊगळा
आर; इदुरसाटी आंदुर अंजीर इन याल्ला
जोळस जोळसकु लंगोट माळदुर.





आग यहोवा

परमेश्वर आदम उक कारूकु आऊन
से केळदुन, “नी येल आय?” आव अंदुन, “ना नीन शब्द
बगीचा दा केळकु अंजेदीन, यतिकी ना ऊगळा ईरीन;
इदुरसाटी होचकोंडीन.”





परमेश्वर अंदुन,
“याव नीनी हेळदुन कि नी ऊगळा आय?
याता मारं इन काय ना नीनी तीनली मना माळीदिन,
येन नी अदुर काय तींद्या?”



आदम अंदुन, “याता आर्त इक नी नान सांगुळ ईरली कोट्या
आका आ मारं इन काय नानी कोट्टुर, अदिक ना तिंदीन.”
आग यहोवा परमेश्वर आ आर्त से अंदुन, “नी ईद येन
माळद?” आर्त अंदुर, “हाव नानी बहकुस बुळत,
आग ना तिंदीन.”




इदुरसाटी यहोवा परमेश्वर आऊक अदन इन
बगीचा दा टु तेगु बुट्टुन कि आ जागा मा खेती
माळुल यदुर दा टु आव माळकु आगीदुन.






इदुरसाटी आदम उक आव तेगु बुट्टुन अदिक
जीवन इन हादी इन पहरा कोळोर साटी अदन
इन बगीचा अन पूर्व दी जीत्ता प्राणीगोळी,
अदिक नाकु दी वयाळावाळा ज्वालामय
तलवार इक भी हासील माळ कोंडुन.



याग आदम तान हिंस हवा अन हाती होदुन आग आक व्हाट्यादी ईतकु कैन उक जनम कोट्टुर अदिक अंदुर, “नानी यहोवा अन सहारा देल ऊंद गंळस सिकदुन.” बाक आक आऊन श्याण वार्ट हाबिल उक भी जनम कोट्टुर. हाबिल मर्र-म्यांडागोळी आळसावाळा आदुन, लेकीन कैन जागा मा


खेती माळावाळा
किसान आदुन.




येनारा दिन इन बाद्दा हिंंग आत कि कैन तान जागा अन्द ऊपज दा टु
यहोवा अन साटी भेंट तंदुन. अदिक हाबिल भी तान मर्-म्यांडा
गोळोव पयला चिकोर दा टु भेंट येर्सली तंदुन अदिक
अऊर न्याण भेंट येर्सदुन; आग यहोवा हाबिल
अदिक आऊन भेंट इक रा ग्रहण माळदुन, लेकीन
कैन अदिक आऊन भेंट इक ग्रहण माळीदिल.
आग कैन हापाळ सिट्ट दा बंदुन? अदिक

आऊन मार्रा
मा उदासी


होट्ट बत्त.



आग कैन तान वार्ट हाबिल से येनारा अंदुन; अदिक याग
आंदुर मैदान मा ईरोर, आग कैन तान वार्ट हाबिल मा
येरकु आऊक कोंद बुट्टुन; . . .



. . . आग यहोवा कैन से केळदुन, “नीन वार्ट हाबिल येल आन?”
आव अंदुन, यम्बाल; येन ना तान वार्ट उन रखवाला हुईन?
आग कैन यहोवा अन हाती टु होटोदुन, अदिक नोद हेसुर इन
दूयाश दा जो अदन इन पूर्व अन दी आद,
ईरली कुरतुर.




आदम बाक मात तान हिंस उन हाती होदुन, अदिक आक ऊंद
पार उक जनम कोट्टुर अदिक आऊन हेसुर ईद अनकु
शेत ईटदुर: “परमेश्वर नान साटी हाबिल इन बदला,
यारी कैन कोंद बुट्टीदुन, ऊंद अदिक पार कोट्टुन.”




शेत उन जनम इन बाद्दा आदम येदु सौ वर्ष मात्त जीत्ता ईत्तुन,
बाक आऊक भी मात्त पार पोरगोळ पैदा आदुर.
ई प्रकार देल आदम उन पुरा ऊमर ऊम्बत सौ
तीस वर्ष इन आत; आग आव सोतोदुन.




यहोवा नोळदुन कि मंळसा अन बुराई पृथ्वी मा
वाळुसीग्याद, अदिक आंदुर मन इन विचार दा जो
येनारा पैदा आगतद अद हमेशा गलत अच
आगतद.




आग यहोवा अंदुन, “ना मंळसा अक यारी ना निर्माण
माळदीन पृथ्वी इन म्याकुच टु मिटुस बुळार्इन; येन
मंळसा, येन जनावर, येन रांगसावाळा किळा,
येन आकाश इन पक्षी, सप्पा अक नाश माळ
बुळार्इन, यतिकी ना आंदरी माळदुर से
पछतासतीन.”



लेकीन यहोवा अन्द अनुग्रह अन्द नजर नूह मा बन्सकु ईत्त.
नूह नोर मुर चिकोर ईरोर; शेम, हाम अदिक येपेत.



यतिकी परमेश्वर दुनिया से हिँग प्यार ईटदुन कि
आव तान ऊंद ठैसा पार कोट बुट्टुन, ताकी जो
यावारा आऊन मा विश्वास माळयान आऊन
नाश आगबाळुल, लेकीन आऊक अनन्त
जीवन सिकुल.



रोमियों 3:23

इदुरसाटी कि सप्पा मुंदुर पाप माळ्यार अदिक परमेश्वर उन महिमा देल
हापाळ दुर आर,

रोमियों 6:23

यतिकी पाप इन मजदूरी रा मृत्यु आद, लेकीन नाम परमेश्वर उन अनुग्रह
अन भेंट नाम प्रभु मसीह यीशु दा अनन्त जीवन आद.

इब्रानिगोळ 9:27

अदिक ह्यांग मंळसागोळ साटी ऊंद घन सायोद अदिक अदुर बाद्दा परमेश्वर
उन द्वारा न्याय इन आगोद तय आद,



इफिसिगोळ 2:8,9

यतिकी विश्वास इन भेंट इन द्वारा अनुग्रह देल अच नीम्द उद्धार आत, अदिक ईद नीम्द दी टु ईला, बल्की परमेश्वर उन दान हुन, अदिक ना कर्मगोळद कारण, हिंंग आगबाळुल कि यावारा घमण्ड माळुल.

रोमियों 10:9,10

कि अगर नी तान बाय देल यीशु उक प्रभु जान्सकु अंगीकार माळया, अदिक तान मन देल विश्वास माळया कि परमेश्वर आऊक सोत्तुर दा टु जित्ता माळदुन, रा नीन जरूर उद्धार आदीत. यतिकी विश्वास माळदुर देल नाव परमेश्वर उन सांगुळ सही संबंध दा बरतेव अदिक बाय देल कबुल माळदुर देल नामी मुक्ति सिकतद.



यूहन्ना 3:16,17

“यतिकी परमेश्वर दुनिया से हिं ग प्यार ईटदुन कि आव तान ऊंद ठैसा पार कोट बुट्टुन, ताकी जो यावारा आऊन मा विश्वास माळयान आऊन नाश आगबाळुल, लेकीन आऊक अनन्त जीवन सिकुल. परमेश्वर तान पार उक दुनिया दा इदुरसाटी कळीदिल कि दुनिया मा दण्ड इन आग्या कोळुल, लेकीन इदुरसाटी कळयान कि दुनिया अक आऊन द्वारा उद्धार सिकुल.

1 यूहन्ना 5:11-13

अदिक अद गवाही ईद हुन कि परमेश्वर नामी अनन्त जीवन कोटान, अदिक ईद जीवन आऊन पार उन दा आद. यार हात्ती पार आन, आऊन हात्ती जीवन आद, अदिक यार हात्ती परमेश्वर उन पार हैलेच, आऊन हात्ती जीवन भी हैलेच. ना नीमी, जो परमेश्वर उन पार उन हेसुर मा विश्वास माळतीर, इदुरसाटी लिखसतीन कि नीव अर्त कोमी कि अनन्त जीवन नीम्द आद.



उत्पत्ति 3 – 6

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Holiya Bible (hoy) © The Word for the World International
and Holiya Translation Samithi,
Kudwa, Gondia, Maharashtra 2025

<https://www.bible.com/en-GB/bible/2782/MAT.1.HAA25>

©2026 Bible for Children, Inc.

www.M1914.org

www.bibleforchildren.org

